



待 875

22293
1冊





4920.532

8331

人年普日
頤壽界


國史館本傳

錢寶琛江蘇太倉人嘉慶二十四年進士改翰林院庶吉士二十五年散館授編修道光元年提督貴州學政三年丁母憂六年丁父憂服闋十一年

京察一等

記名以道府用尋授河南歸德府知府十二年陞浙江督糧

道十三年遷長蘆鹽運使未赴任遷雲南按察使十五年遷浙江布政使十七年擢湖南巡撫十八年二月清查苗疆屯防事宜偕總督林則徐酌議條款具奏一清屯田一清佃欠一清支銷一清借款一籌歸



補一清催徵一申邊禁一移屯員又會奏桂陽州泗州寨係苗疆門戶所設巡檢職分較卑難資彈壓請以該州州同移駐而黔陽縣新路市地方極為遼濶請易名石橋分設巡檢一員即以泗州寨巡檢移駐專司巡緝疏上均

敕部議行三月因苗疆歷年歉收丁佃拮据援案請借口糧籽種以資接濟

允之四月以湖南提督駐紮常德不符定制復偕林則徐疏言湖南北營務原歸湖廣提督統轄是以駐紮湖南之常德府城為兩省適中之地自嘉慶二年經前督

臣畢沅議辰州逼近苗疆為鳳凰永綏乾州三廳要隘距常德較遠遂於每歲分作上下半年往來駐紮兩府迨嘉慶六年分設湖南提督專管通省營伍既不兼轄湖北自應常駐辰州乃歷任提督多以辰州逼處巖疆而常德近在省會駐紮為便殊與定制不合應請申明原定章程將湖南提督常駐辰州用資彈壓仍於年底酌赴常德駐紮半月亦不致顧此失彼得

旨允行閏四月以前開湘鄉縣礦足供數年軍火之用請照例封禁又以錢法壅滯請停寶南局鼓鑄疏入均

報

聞八月御史黃樂之奏湖南廣東交界地方屢有搶劫重案
遵

旨議奏湖南之宜章縣與廣東之樂昌等縣接壤曾經建卡
會哨嗣後應令無分畛域加意巡防時湖南頻遭水
患奏言湖南諸水咸歸洞庭近年居民各就水中淤
沙私築隄垸阻遏水道見飭一律毀除並加嚴禁以
資宣洩奉

諭妥實辦理九月調補江西巡撫十九年正月甄別年力就
衰之萬載縣知縣龔士範等勒休降調有差如所請

行並

諭曰整飭吏治第一要事無憚煩無避怨實力勉爲之七月
因雨水傷稼請發帑撫恤被災州縣

上飭據實查奏尋覆奏各縣被水情形並請緩徵錢糧以紓
民力

從之十一月以南湖等營水師號船笨重不便駕駛疏請倣
照民船改造試辦

從之二十年六月遵

旨議覆鴻臚寺少卿葉紹本條陳捕盜事宜奏曰講求捕務
不患立法之未詳惟患奉行之不力江西贛州等處

國史館本傳
三
界連閩粵民情獷悍搶掠時聞業經籌費嚴拏頗爲
斂跡近復添設卡座更爲周密九江等處界連楚皖
濱江臨湖易藏奸宄巡船均已朽壞業經另行改造
甚爲得力並飭屬一體整頓奏入報
聞時嚴禁吸食鴉片九月疏言此次拏獲煙販立有會同號
數急應解散已咨鄰省分路截拏惟監獄不能多容
尤不宜聚集一處訊明後應照奏定章程卽行發配
而閩廣人犯向例兩省互發深恐勾結爲奸此外沿
海地方似亦未便發往應酌量無礙省分均勻發配
不得專發一二縣以致生事

上躉之又以歲收豐稔穀價平減奏稱各屬需穀甚殷而舊
章祇支鹽務公費銀八千兩當此穀賤銀貴不免坐
失機宜請借藩庫銀三萬餘兩及時採買於倉儲大
有裨益疏入下部議行二十一年正月鴻臚寺少卿
張秉德奏寶琛所辦煙案旣稱並無匪徒滋擾復奏
奸民糾衆結會何以前後不符又湖口縣知縣朱建
溪甫經總督裕謙奏參倚銷鹽斤寶琛旋請揀調廬
陵縣知縣何以毫無聞見

諭令明白回奏旋奏稱先時實無滋事情形奏後始據建昌
等府報拏匪徒並有總頭李正昌等在閩廣交界糾

眾結會販土各情故前後據實直陳不敢捏飾至朱建溪所銷鹽斤先據鹽道詳參缺銷過多嗣以漏繳水程實止六分以上例免參處申請更正適督臣裕謙前赴上海相距較遠而揀調僅一月例限以致未及札商是參處在未更正之先而奏調在既更正之後得

旨免其置議五月調湖北巡撫未赴任因病請假旋請開缺允之二十三年以辦理夷務需費繁多捐錢五千串咸豐三年

命在籍會同地方官辦理團練勸捐各事宜旋捐軍需銀一

千兩奉

旨交部從優議敘九年卒

頤壽老人年譜卷上

太倉錢寶琛伯瑜自訂

男鼎銘
謹注

乾隆五十年乙巳一歲

生於城南舊宅

男鼎銘等謹按先大夫字楚玉一字伯瑜晚年
 自號頤壽老人家有蘭園人又稱蘭園先生先世
 自道晟公由海虞遷居太倉之湖川塘遂為州人
 四傳至浩川公諱桓由進士為縣令累官至南贛
 巡撫崇祀鄉賢江西四川祀名宦任邱祀五賢祠
 五傳至叔焱公諱煖附監生贈文林郎刑科給事
 中累贈通奉大夫順天府府尹崇祀鄉賢六傳至
 美瞻公諱坡考取中書七傳至左黃公諱褒錫候
 選州同知是為先大夫高祖曾祖範疇公諱渭
 祖固亭公諱文燦皆太學生父省庵公諱鳳孫附

國朝

監生鄉飲大賓三世皆
政大夫兵部侍郎江西巡撫曾祖妣氏張氏郁祖
妣氏楊妣氏聞皆
南門內旱涇橋先大夫高伯祖諱晉錫舊居

丙午二歲

丁未三歲

是年二弟寶球生

戊申四歲

己酉五歲

庚戌六歲

始就塾時 伯父梧堂公延王芑堂先生課堂兄星

壁因附學焉

是年三弟寶瑛生

梧堂公會祖固亭公長子諱鳳飛芑堂先生諱樹
獲歲貢生

辛亥七歲

讀四子書

壬子八歲

癸丑九歲

從李柅香先生讀經書

柅香先生諱錫瓚乾隆己酉舉人華亭縣教諭

甲寅十歲

十月 祖母楊太夫人卒

十一月葬 祖父固亭公 祖母楊太夫人於二十

二都下七崙師圩之原

乙卯十一歲

移居州西新宅

延族伯在岡先生教讀

先世家素封自曾祖固亭公歿後楊太夫人以城南舊宅授先伯祖先祖得州西新宅湫隘殊甚葺而廣之費不訾家計遂絀舅祖聞素廬先生輒袖金相貸祖母聞太夫人慮貽先祖憂私納之以濟緩急有則償之率以為常在岡先生諱廷桂邑庠生

嘉慶紀元丙辰十二歲

延沈滄洲先生教讀

是年

恩免錢漕

滄洲先生諱端嘉慶庚申 恩科舉人甯國府訓導

丁巳十三歲

學作時藝

戊午十四歲

應州試

己未十五歲

庚申十六歲

應州院試

辛酉十七歲

延王小村先生教讀

小村先生諱曾茂道光壬午科舉人與先大夫為中表兄弟先大夫及三叔父慕蘧公並受業焉

壬戌十八歲

應州院試

癸亥十九歲

應州院試學院平寬夫先生科試取入州學

伯父梧堂公卒

是年大水災

甲子二十歲

從陳寅堂先生學

是年元配陳夫人來歸

寅堂先生諱震乾隆庚子科進士先妣陳夫人崑山縣廩貢生江陰縣訓導燮堂公諱世和第三女世居角直鎮

乙丑二十一歲

應歲試

是年女婉生

丙寅二十二歲

頤壽老人年譜

應科試

丁卯二十三歲

從徐保堂先生學

應鄉試薦而不遇房師為沛縣令海甯許順庵先生

是年大熟

保堂先生諱階泰嘉慶甲子科副貢生

戊辰二十四歲

學院萬和圃先生歲試取一第一名補增廣生

應恩科鄉試

己巳二十五歲

補廩膳生學院玉研農先生科試取一等
是年生女殤

庚午二十六歲

應鄉試玉研農先生考試優貢備取第二名

大姊歸邑庠生黃君綏章

是年元配陳夫人卒

辛未二十七歲

學院劉洵芳先生歲試取一等

是年三弟入州學

壬申二十八歲

國書老人年譜 五
學院文遠皋先生科試取一等應考選拔

癸酉二十九歲

應鄉試

是年繼配陳夫人來歸

先妣陳夫人燮堂公第六女

甲戌三十歲

應歲試

生女殤

是年伯母楊太孺人卒

乙亥三十一歲

由廩生捐貢十一月入都

是年姊婿黃君綬章卒

先大夫北上里中諸老賦詩話別有風雪送行圖
畫卷
姑母撫前室女及側室子如已出持家有法

丙子三十二歲

中順天鄉試第十九名房師為詹事府左贊善後官

協辦大學士諡文愨濰縣陳偉堂先生座師為太保

文華殿大學士諡文恭富陽董蔗林先生禮部右

侍郎後官戶部尚書當塗黃左田先生都察院左副

都御史後官工部尚書諡文恭蕭山陸平泉先生

是年繼配陳夫人卒

左田先生諡勤敏先生得先大夫卷歎為獨絕質諸副憲陸公曰此卷可定元矣陸公意躊躇請置第六復逡巡曰此卷固佳自當以魁處之先生佛然不悅竟置十九揭曉後為先大夫言之咨嗟良久自此知契益深

丁丑三十三歲

應會試薦而不遇房師為內閣侍讀學士灌陽卿滋

圃先生

應考教習

五月附浙江糧艘南歸十月抵家

戊寅三十四歲

三月為父母稱六十壽觴

十月入都

己卯三十五歲

中 恩科會試第一百二十五名房師為翰林院編修後官侍讀懷遠宮辛楣先生座師為協辦大學士吏部尚書後官 文淵閣大學士大庾戴可亭先生兵部尚書如臯戴紫垣先生禮部左侍郎後官工部尚書諡文簡高郵王伯申先生詹事府詹事後官刑部尚書調直隸總督諡文毅長白那繹堂先生

殿試第二甲第十九名

朝考入選第十八名奉

旨改翰林院庶吉士充 武英殿協修

十月

萬壽慶典恭進全韻詩冊

是年始建太倉會館

都中舊有會館屋隘而陋先大夫謀之嘉定徐
桓生年丈經崇明陳心伯年丈兆熊鳩貲購宣武
門外大街球芝巷屋一區即今太倉會館也

庚辰三十六歲

四月散館一等 授職編修

五月請假回籍

十月入都供職仍充 武英殿協修

覃恩封 父省庵公文林郎 母氏聞孺人

賜贈 伯父梧堂公 伯母氏楊如之

道光紀元辛巳三十七歲

三月恭送

仁宗睿皇帝梓宮奉安

昌陵

恩加隨帶一級

覃恩賜贈 祖父固亭公儒林郎 祖母氏楊安人

晉封 父儒林郎 母安人

四月考試差

五月與修

仁宗睿皇帝實錄十一月恭纂三卷進呈

十二月奉

旨簡放貴州學政

堂兄星壁卒

是年繼配陳夫人來歸

堂伯東甫公歿後多子女一切婚嫁及織悉諸務皆先大夫為之區處諸姪中有過失必反覆勸戒改而後已從堂兄訓銘為人端謹試輒高等食餼後忽得瘵疾歿先大夫哭之慟時存恤其孤暮年猶月必往省焉先妣陳夫人燮堂公第八女

壬午三十八歲

三月抵貴州任科試貴陽安順大定遵義興義五府

錄送鄉試正遺科舉三千六百餘名考取優貢張日

融等二名

十一月先妣聞太夫人卒於里第

生子殤

女婉歸邑庠生陸宗麟

是年三弟中江南鄉試舉人

先大夫按試所至餽遺概弗納簡約廉從遇山城小邑假宿官署以省供億每按臨先期牌示所過州縣供給勿以珍錯食止數簋自幕佐以下遞降有差一日莅某郡適遇斷屠縣令聞使節至欲下

令開屠急止之日茹蔬菜而已施秉令過公廉明
好士設講堂於官廨親課諸生文風丕振是科新
舊生前列者皆其所造就先大夫手書匾額贈
之並言於方伯縻公旌異之又童試有年老者輒
加意錄取以為讀書勵志者勸

癸未三十九歲

正月聞赴奔喪四月抵里

覃恩贈元配陳氏繼配陳氏安人

是年大水為災疏濬劉河

祖母問太夫人人性賢淑延師課諸子讀供饌極豐
而自奉甚薄日食齋鹽數事而已先大夫聞訃
奔喪回籍哀毀幾不能成禮後每與縣銘等言
先祖母事輒淚下是年五省大水時侯官林文忠
公陳泉於蘇急行賑濟屬先大夫襄其事州治
西鄉最低窪漂沒廬舍棺槨無算柴瘠相屬於道

先大夫乘小舟赴鄉量地設粥廠數處露幣皆掩
理之時劉河日就淤塞水澀不行遂議請開浚

甲申四十歲

主講徽州古紫陽書院

仁宗睿皇帝實錄告成

恩加一級

賜銀兩表裏復拜官磁九事之

賜

先大夫主紫陽講席造就甚眾尤著者為少司馬
王公茂蔭端亮弼直為一時人望

乙酉四十一歲

正月里中公舉吾 父為鄉飲大賓

陸壽老人年譜
葬 先妣聞太夫人於二十二都新阡附元配陳夫人繼配陳夫人於昭位

四月入都供職仍充 武英殿協修

是年子鼎銘生

丙戌四十二歲

五月辦理院事兼撰文

八月 先考省庵公卒於里第九月奔喪回籍十一

月葬 先考省庵公於二十二都新阡

是年適陸氏女婉卒

先祖治家有法督先大夫昆弟尤嚴籌鐙課讀漏三四下方止與人共事推誠相告不設城府族

中之孤寡榮獨者必加意周恤嘗倡捐募修黌舍喜行善舉先大夫有述德詩紀其實

丁亥四十三歲

修葺十五都先塋享室建二十二都先塋石工

戊子四十四歲

主講鍾山書院

是年女壻陸宗麟中順天鄉試舉人

先大夫主講鍾山登堂受業者日益衆口講指畫盡心啓迪諸生學日進刊有鍾山書院課藝行世

己丑四十五歲

主講鍾山書院

十月入都供職仍充 武英殿協修

女慧生

是年勸捐本色狀元會成

庚寅四十六歲

館書議敘

恩加一級

是年生子殤

辛卯四十七歲

覃恩馳贈 祖父奉直大夫 祖母宜人

晉贈 父母如之

三月 京察一等

記名以道府用

召見奉

旨補授河南歸德府知府

四月到任清理積案一百二十餘起建 文昌專廟

移建貞烈祠釐正節孝貞烈二祠姓氏刻石供設

歸德俗武健多詞訟胥吏藉端索賄先大夫廉
 得其情日坐堂皇凡訟事立予判決胥吏無可
 法其因家庭細故被嗾成訟者曉以大義為之反
 覆勸諭無不感悟而去訟由是稀又訪求名賢古
 蹟廢者興之移建貞烈祠祀明季殉難諸人重修
 微子廟增建梁孝王祠祀鄒枚司馬諸人重修
 六忠祠增祀二義女於後寢六忠者唐張中丞許
 侍郎暨南雷姚賈賁二義女者中丞之姊與妾
 也各有詩紀事

壬辰四十八歲

商虞廳匪徒劉鳳岐奚四等挾仇焚燒料垛訊明正

法查辦永城教匪戚卓章等

七月奉委充鄉試提調官查出聯號弊竇實書吏於

法褫諸生某

八月奉

旨補授浙江糧道十月抵任

是年繼配陳夫人卒歸葬於二十二都新阡昭位

納妾韓氏

先妣陳夫人性溫厚待人處事一以寬和為主
先大夫視學黔中先後主講紫陽鍾山及服官京

邸甚先妣皆借往不孝鼎銘童時冠羸先妣憐
恤甚至而督課甚嚴有過則呵責不少貸歸陸氏
姊病卒姊丈續娶吳門周氏時在京都即迎歸同
居視如己女先大夫出守歸德挈姊丈夫夫婦同
至任所歡洽無間先大夫素嗜血症二弟殤後
鬱鬱不樂又不習水土病日益劇遂於五年五月
初六日棄養嗚呼痛哉時不孝甫八歲不能遠行
先大夫命姊丈夫婦挈四妹伴柩回里即卜葬焉
先妣生平懿行詳先大夫自撰家傳中

癸巳四十九歲

四月押運北上八月抵通交卸完竣回南十月抵浙

途中奉補授長蘆運使之

命未赴十二月奉

旨補授雲南按察使奏請

陛見迎摺北上得

旨允准

是年女同生

先大夫履浙任凡州縣漕務陋規概弗納先期委
員嚴催各屬刻日兌齊掃幫前進白乘小舟沿途
催贖抵通交卸速竣及他省後幫至已回空矣時
延吳門宋芥榴先生清壽至署授鼎銘讀先大
夫招從兄畫溪族姪逸泉同舟北上途中有唱和
詩逸泉繪圖雲間張詩船先生解河題述舳上淮
四字以紀其事

甲午五十歲

二月抵京

召見三次即赴雲南六月抵任

九月署布政使事

是年大開劉河

乙未五十一歲

覃恩晉贈 祖父 父通議大夫 祖母 母淑人

賜贈 外祖父聞毅齋公 外祖母氏胡亦如之

二月卸布政使事回按察使任奉

旨補授浙江布政使奏請

陛見接奉

批摺即赴新任六月抵浙

金衢嚴台等處二十餘縣旱災請分別恤緩

十二月舉行 計典舉道府二人同知一人知縣五人教職一人佐雜三人劾三人不及八人年老二人

修武肅王祠墓

金匱錢梅溪先生泳募修臨安紹興武肅王以下祠墓致書先大夫先大夫以吾宗出自武肅為捐銀六百餘兩集貲千餘兩遂修紹興上望坊武肅王祠委知縣馮雲祥修臨安武肅王墓

是年女壽生

丙申五十二歲

覃恩賜贈

曾祖父範疇公通奉大夫

曾祖母氏張氏

郁俱夫人

晉贈

祖父母

父母亦如之

清理寶浙局錢法四月海塘大工告成

十二月省城義倉成積穀二萬石

疏濬西湖

二弟卒

子嘉銘生

是年倡捐太倉賓興公車費

先大夫既倡捐又寓書三叔父實力勸助集有成數又捐貲備送歲科試卷歷久不廢

丁酉五十三歲

正月修築仁錢二縣圩隄九月工竣捐建錢邑白瀟

村江塘柴盤頭一座柴塘一百四十丈捐修仁邑鳳

同移駐而黔陽新路市地方遼濶最易藏奸請易名石橋即以裁撤之泗州寨巡檢專司巡緝疏入

敕部議行

甄別州縣

查閱省標及長沙協營伍

五月請給苗疆丁佃口糧籽種

時苗疆歷年歉收丁佃拮据援案請於苗疆積儲項下支穀一萬五千石借給口糧籽種以資接濟

從之

四月奏請湖南提督移駐辰州

借林公會奏湖南北營務原歸湖廣提督統轄是駐紮湖南之常德府為兩省適中之地嘉慶二年來駐紮兩府嘉慶六年分設湖南提督專管通省

旨允行

營伍自應常駐辰州乃歷任提督多以辰州偏處巖疆而常德近在省會駐紮為便殊與定制不合應請申明原定章程將湖南提督常駐辰州用資彈壓仍於年底酌赴常德駐紮一半月得

閏四月請封禁湘鄉縣礦

停寶南局鼓鑄

五月奏請嚴緝煙販

飭毀濱湖州縣私坑

時湖南頻遭水患奏言湖南諸水皆歸洞庭近年以來湖陰等縣居民各就水中私築隄坑開墾耕種阻遏水道現飭一律毀除以資宣洩奉

諭妥實辦理

八月交卸湖南巡撫印務

九月八

觀

召見七次調補江西巡撫十一月抵江西任

聖

先大夫抵任即刊發
 聖諭廣訓十六條摘刻民間易犯罪名禁煙條例令地方
 官查民間聚族而居者公舉族正異姓雜居者公
 舉約正專司訓導
 先大夫敷歷中外二十餘年與侯官林文忠公選
 近最久先同館為前後輩癸未奉諱家居時文忠
 陳泉吳中請同辦災賑辛卯出守歸德文忠以豫
 藩遷督東河丁酉陞湘撫文忠督兩楚南北千里
 中阻洞庭公事必手書諮度而文忠亦時以省
 公件來商書函往復殆無虛日迨撫江右文忠又
 為江督旋移節兩粵值海疆多事先大夫督同
 藩司辦理廣東後路糧臺及文忠被譴去粵道出
 豫章追述往事相與慟哭而別

是年新建宗祠落成

舊有宗祠在窮刀橋街屋宇湫隘至是廣而新之
 後堂中楹奉始祖道晟公以下五世栗主中堂奉
 浩川公神像十二專祠祀爵位尊顯有德望者儀門
 西二廡設十二專祠祀爵位尊顯有德望者儀門
 左右置忠義節孝兩祠祀成已亥兩年祠工告成
 凡用錢若干緡以恭肅堂釀錢供費
 三叔父補其不足以底於成歸田後春秋致祭子
 姓彬彬觀禮族中事則集議其中閭族中無力
 讀書者延師課讀約族姓子弟結文社每月兩課
 斤沃田三十餘畝以補老祭田之不足祠有致慙
 齋此田卽以慙字名之

己亥公五十五歲

正月頒到

御書福字一幅麕鹿肉一分望

闕謝

恩祇領

甄別州縣

舉行計典勒休降調有差奉
硃批整飭吏治第一要事無憚煩無避怨實力勉為之

二月升補獲盜人員劉佐等

五月較閱省標營伍

先大夫撫湘時留心操閱及撫江右以職兼提督
有統轄全省營伍之責訓練尤勤

八月入闈監臨

緝獲鄱湖奸匪

請

旨補豁蓮花廳民欠

十月奏請停緩嘉慶四年清查案內原虧銀兩

請恤緩被水各縣

是歲夏雨過多南昌新建等二十五縣被淹奏請
發帑撫恤
上飭據實查奏尋覆奏各縣被水情形並請緩徵

十一月捐造號船

九江等縣濱江臨湖易藏奸宄南湖九江鄱陽各
營原設操防號船船身笨重不便駕駛又日久朽
壞疏請仿造民船式樣先行捐資每營酌造數隻
試用疏入

報聞

修築各縣圩隄

南昌府屬之南昌新建豐城進賢四縣饒州府屬之鄱陽餘干二縣夏水漲發圩隄冲決疏請擇要捐修以工代賑

是年為鼎銘娶婦陸氏舉人樹薰女

庚子公五十六歲

二月奏請展緩各幫應交餘米

五月遵

旨議覆鴻臚寺少卿葉紹本條陳捕盜事宜

覆奏捕盜事宜略云此時講求捕務不患立法之未詳惟患奉行不力贛州南安兩府界連閩粵民情獷悍時有搶劫重案經前撫臣籌費嚴拏頗為斂跡近復添設卡座九江饒州南康等府濱江臨湖界連楚皖時有匪徒混迹前已奏請改造船駕駛甚為得力飭屬一體認真整頓

報可

八月入闈監臨

九月飭調各營赴蘇防堵

嚴辦煙販

奏云此次拿獲煙販立有會同號數自應急為解散已咨隣省分路截拿訊明後即行發配但閩廣二省匪徒勾結為奸未便互相調發此外海口地方未便發配應酌定無碍省分均勻解發亦不得專發一二縣致聚集生事

上謹之

請借藩庫閒款豫儲義倉穀石

奏鹽務公費一項前經奏明每年動支八千兩發交各府採買倉穀近年穀價平減各府需穀甚殷而此項限於年分勢難同時給發坐失機宜殊為可惜請借藩庫銀三萬二千兩發給採買仍於鹽

下部議行

務公費內分作四年歸款於倉儲大有裨益

旨允行

議分別遞徵遞緩南昌新建各屬低窪被淹田畝得

十月巡閱九江等處營伍操演新造號船
德化湖口彭澤三縣所轄江面向例巡緝止用兩
船聲勢不能聯絡及鄱陽一帶尤為要害今請將
各營改造號船即令巡緝員弁分段梭巡無煩另
行僱備奉

旨允行

時以江浙海氛兩湖綠營官兵遠道從征輒多騷
動地方各州縣購辦米薪及一切應行給發之件
過地儲備并嚴立條約一宿即行毋許逗畱滋事
寬為儲備并嚴立條約一宿即行毋許逗畱滋事
致為民患一日報滕王閣下有兵船數十號闕然
諱卸城內外相顧失色先大夫從容謂羣僚曰數千
察看屬吏咸尼之

里從征非其主將發餉不公即地方有司供應遲
誤吾出城親詢之便可無事若闔門不問則無以
慰其心且先示之弱益驕縱不可治禍立至矣命
中軍持令箭親率材官數人撫標兵數十名直抵
滕王閣軍士聞大帥自至稍屏息急趣中軍鳴號
筒徇於眾曰今日之事大帥盡知之矣有指出剋
餉帶兵官姓名者受上賞見眾中一輩人擁出奔
案前匍匐呼冤廉得實情立將剋餉官置之法別
選一員統帶發齊口食傳令交出滋事兵丁掃幫
開駛至三鼓無片板敢犯律者
官兵入江西境無有敢犯律者

是年送亡友陸子愉

麟書

眷屬回太倉

陸子愉先生與先大夫為總角交少隨其叔父
遠亭公宦游江右舉家畱豫章先大夫延入
署課鼎銘讀以暴疾卒太夫人亟思歸先大夫
極力摒擋令長君挈眷回婁留次君在署讀書并
為置田宅以供菽水又上海曹君以微宦滯黔中
一家十數口熒熒無依亦仗助數百金送之歸里

辛丑公五十七歲

二月肝疾舉發陳請給假一月

五月調湖北巡撫因病未愈陳請開缺

允之

十月回籍

成

皇帝特達之知甫留館即視學黔中當時新留館者間得試差而學差則罕見蓋異數也後以京察擢守

召

對溫霽嘗有誠實不欺之

天

褒戊戌在湖南巡撫任內奏請

召

對七次旋奉

命

調撫江西

上

曰汝該陞總督矣今江西有事不能不命汝去江西省

垂

論曰長沙南昌一水之地汝派人接至江西甚便也先

恩

撫湘一年撫江右三年每有敷陳悉蒙

殊

批諭旨皆嘉獎勉勵之辭

賞

假一月因積勞成疾據實陳請給假蒙

上

雖俯如所請屢於樞廷奏對時詳詢病狀一日嘉定

聖

意問曰汝同鄉錢某近來病體好否在告已歷數年而

移居飛雲橋西新宅

宅為平原舊居屋後有地數弓名之曰繭園時與

是年女勝生

孫女 瑞生 鼎銘 出

壬寅公五十八歲

六月就醫蘇州

是年次孫女 喜生 鼎銘 出

癸卯公五十九歲

滬濱辦理洋務需費浩繁捐錢五千串奉

旨加五級

刻彭城世譜及本房支譜

宗譜刻自康熙丁亥修於乾隆乙丑嗣後支派日繁年久失修先祖詳稽博採就六世祖以下編輯支譜一冊先大夫復為補輯并因宗祠新成供奉粟主自始祖道晟公以下各房位次廣為

訪求而釐正之編成世譜一冊分藏各房為他日修譜時備參考

捐修隆福寺大殿

甲辰公六十歲

創捐修理 文廟撰重修碑記並修節孝祠及南園

繡雪堂

先大夫好為詩著有存素堂詩集自服官外臺吟詠遂輟未通籍以前與里中陸竹江文彬金棗蔣國瑩劉蒼林應鈞陸子鐵元文楊子泉政源汪竺君元爵諸老輩結詩社號心齋七子有心齋詩鈔合刻若干卷又嘗與陸子愉王研雲寶仁張芸渠志鴻徐秋士元潤諸先生切磋文字歸田後諸老已多零落研雲先生秉鐸六安惟秋士芸渠兩先生時相過從月必數集遂皆秋士先生議葺南園與季菘耘先生錫嘯講求古文王子春榮年陸子範模李少峰汝嶠諸先生互相唱酬世丈願雪堂

師賦表叔楊師白敬傳葉君涵溪裕仁畢君雄伯
庭燕年齒相懸皆引為忘年交園中香壽閣舊祀
王荆石王弇州吳梅村三公既葺而新之又於閣
下祀文貞道先生落成之日為詩以紀其事

是年女 福王 學生

孫男 湖耆 生 鼎銘 出

男 鼎銘 姪 慶銘 同案入學

乙巳公六十一歲

姪 彝銘 入州學

丙午公六十二歲

就醫蘇州

刻聞氏敬業堂家集

聞氏為望族伯叔子姪數世皆能文遺稿哀然
先大夫校正若干首為之鏡板名曰敬業堂家集

刻堂弟叔雲遺文

堂叔叔雲先生名襄善屬文歿後既為庀其家事
並梓遺文以廣其傳

修京兆公墓

京兆公無後墓在雙鳳乏人祭掃田為他姓侵占
先大夫為之清釐擇近支謹愿者為之後以墓田
十餘畝畀之使奉祭祀又族兄嘉木樸訥誠實家
赤貧中年甫得一衿為之擇配完婚

是年

詔均江南糧

江南糧額之重甲天下漕政之弊亦為他省所未
有額外之費浮於正供數倍小民至以三四石完
一石民困日甚先大夫憂形於色會均漕之
命下與當事悉心鉤稽正供而外酌加必不可已之費自

是年後太鎮完懂遂紳民一律民困稍蘇每屆啓
徵於紳民輕重不一則胥吏因緣為奸今既一律
完納毫無假借從此力加整飭可望水落石出今
日之均漕即異日清漕之左券也迄同治癸亥平
吳之後大吏請於
朝普減賦則為自明以來數百年未有之曠典又歲定
漕價隨時奏明增減尤足慰當日維持挽救之苦
心矣

次孫 湖時生 鼎銘 出

鼎銘 中南闈二十名舉人

女 慧 歸陳景星

丁未公六十三歲

就醫吳門並游靈巖諸山

鼎銘 入京赴禮部試

是年孫女 桂生 鼎銘 出

戊申公六十四歲

江北災民分太屬畱養籌款撫恤

遊天平鄧尉諸山自號銅井山人

重修海甯寺並建大悲殿棉花神祠

萬壽

海甯寺為
萬壽慶典祝嘏之所歲久傾圮捐錢修葺並建大悲殿於
藏經閣西州境種植木棉民賴其利乃就寺中三
官堂遺址改建棉花神祠以答靈貺

已酉公六十五歲

江南大水籌辦賑荒

蘇省大水為災大吏請於
朝發帑賑恤先大夫同地方官紳捐助義賑日赴公
局釐訂章程清查口分極次按戶登注悉歸
覈實無侵冒隱匿之弊初因公款未齊嗷嗷者急
不能待倡議先設粥廠日必親往監督又因米值
昂貴濤暑赴省請大吏弛關禁招集米艘以濟民
食

是年公三弟卒

先三叔父性誠篤事兄甚謹凡事必諮而後行
先大夫服官中外家事一取辦於叔父門戶事煩
積逋甚鉅先大夫隱為償之辛丑回籍時方秉
鐸小沛貽書招之歸作有烏篇以見志讓州西老
宅居之白首兄弟朝夕過從親愛之情不異髫稚
至是卒先大夫尤慟焉

庚戌公六十六歲

正月十四日

宣宗成皇帝龍馭上賓力疾赴京叩謁

梓宮五月出都

先大夫間
宣廟升遐之信五中摧裂即日力疾匍匐入都恭謁
梓宮時長洲彭文敬公商城周文勤公諸老輩勸銷假
梓宮來不敢以病體貽誤國家也禮成後即出都溽暑
不能行寶山陳辛軒年丈稼生方牧冀州招度夏
遂畱至秋

六月鼎銘考取景山官學教習第三名

鼎銘會試報罷命畱京考中書至八月無試期遂
赴冀州侍奉南旋九月到家都中諸耆宿以金臺
話別圖賦詩贈行

籌辦平糶

去歲大災今春民食尤艱先大夫商於眾紳提
義倉積穀存款赴常鎮買米設局平糶時經費不
敷即以糶變之錢轉輸採買凡六閱月甫竣米價
平減民困稍紓

咸豐紀元辛亥公六十七歲

是年女同歸陳廷珍

壬子公六十八歲

輯太倉鎮洋志

先大夫以太鎮志書年久失修借季菘耘先生趙
耳山表兄兆熊葉涵溪畢雄伯開局分纂旋以軍
興未及卒業僅成人物傳數卷名曰壬癸志藁

是年為 癸丑公六十九歲 娶婦夏氏吳江國子監學正寶全女

粵匪陷江甯奉

旨辦理本籍團練並勸捐事宜捐軍需銀一千兩奉

旨交部從優議敘
旨辦理本籍團練並勸捐事宜捐軍需銀一千兩奉

上海城失守奸民周立春據嘉定城青浦等縣同時
失守餘黨擾太倉

蘇省賦重民久困秋八月上海劉麗川作亂青浦
奸民周立春遂以收糧不公為名煽惑鄉愚勾結
上海紅巾連陷松郡各縣據嘉定城太倉危在旦
夕嘉邑吳孝廉林隻身至太商克復計吳有瞻識
樹德於鄉先大夫素重之乃屬之曰君勉為識
吾當助君也越日逆黨竄太倉知州蔡映斗擊走
之不數日吳果率鄉民數千斬嘉定東關而入官
軍從西門進執首逆周立春正法函首示眾諸賊
解體浦東西諸城相繼收復燎原之勢乃就撲滅

是年女壽歸邑庠生聞福增

甲寅公七十歲

鼎銘 選授贛榆縣訓導

是年孫湖旭生燕銘出

乙卯公七十一歲

鼎銘 挈眷赴贛榆冢婦陸氏卒於學廨十一月鼎銘

挈孫輩還家

丙辰公七十二歲

鼎銘 赴禮部試以婦兄陸殿撰增祥分校禮闈迴避

遵例報捐主事籤分戶部湖廣司行走

是年旱蝗冬收買蝗種瘞之

孫湖灝生燕銘出

丁巳公七十三歲

鼎銘 自都中歸

戊午公七十四歲

捐資購桑植於城南隙地

婁地宜木棉民食其利自寇盜充斥商賈不通民困日甚先大夫憂之計惟蠶桑之利可以補救民生因捐錢購桑秧數千分植南園左近僱吳興人教附近民居種桑育蠶之法期以數年後由城及鄉漸有成效尋以寇至不果今桑已成林矣

是年為鼎銘續娶婦陳氏貢生學敏女

鼎銘入都赴京兆試鼎銘挈長孫女赴京歸陸繼輝

孫女龍生鼎銘出

已未公七十五歲

鼎銘應禮部試鼎銘應京兆試次婦夏氏卒

七月二十七日辰時公棄養

泣念戊午冬不孝鼎銘計偕北上先大夫起居如舊瀕行論曰科名有定得失聽之第一要立志為人勿以我為念到京後月奉手諭諄諄勉并云如不獲售庚申試期近勿遽歸旋命不孝鼎銘北來應已未秋試方幸高年清健復謹調攝雖舊疾未愈而精神不衰愛日方長得以常侍膝下詎意不及數月計音忽至泊星奔回籍泣詢病狀知先大夫素患鼻衄六月中大發血下數盃自是容顏清減雖起居如常而飲食少進復患溏洩易簣前一日微覺腹痛二十七日辰時別無患苦氣

息漸微呼瀾書瀾時兩孫至榻前頷之而逝此皆不孝等罪孽深重生不得奉甘旨歿不得視含殮無以為子無以為人嗚呼痛哉

右 先大夫年譜上下二卷上卷迄五十三歲丁

酉 先大夫所自訂嘗謂分所當為之事無足言者故所記皆未詳備及鼎銘等奔喪回籍治葬甫

畢寇氛日迫未及詮次行述嗣後鼎銘奉

命畱營歷在江南北籌辦軍糈轉運數年間迄無暇晷

今夏回里恭值

國史館採取事實立傳鼎銘等乃追憶趨庭時見聞

所及稍稍分注於上卷各條之後復補記五十四

歲戊戌以後別為下卷用備史官採擇而 鼎銘 適以是時奉分巡大順廣之

命簡書敦迫倉卒屬稿於先大夫嘉言懿行實無以

闡述萬一濡淚執筆益增無窮之戚嗚呼痛哉時

同治八年歲次己巳七月不孝男 鼎銘 泣識



